

## BAHRAIN REFORMED BAPTIST CHURCH

*Ang Pagdalaw ng mga Pantas (Mateo 2:1-12)*

August 22, 2024

Mali: “*Nang si Criso ay sinilang, may tatlong haring nagsidalaw, at ang bawat isa ay nagsipaghandog ng tanging alay*”

Pagtutuwid: Sa pagsilang ni Jesus ay may mga pantas na dumalaw upang sumamba at maghandog kay Jesus... Mt 2:1, 11

- Ang mga wise men (Gk. Magi) ay hindi hari kundi mga tagapayo ng hari... Halimbawa: Daniel, Shadrac, Meshach, at Abed-Nego
- “*wise men*” = Hindi sinabi ng Biblia kung ilang pantas ang dumalaw sa pagsilang ni Jesus

Traditisyon: [Excerpta Latina Barbari] = Bithisarea, Melichior, and Gathaspa

Western Tradition: St. Balthasar (hari ng Arabia); St. Melchior (hari ng Persia); St. Caspar (hari ng India)

- Ang pagtawag ng tatlong hari ay base sa tatlong kaloob...ginto, kamanyang, at mira

### 1. Ang Soberanong pagtawag ng Diyos sa mga Pantas

Puna: Ang mga Pantas ay matatalino subalit karaniwang masasama...

- Ang mga Pantas na dumalaw kay Jesus ay mga pagano mula sa Silangan – sila ay sumasamba sa mga dios-diosan... Mt 2:1
- Ang mga pantas ay may paniniwala patungkol sa astrolohiya... bawat bahagi o kaganapan sa kalangitan ay binibigyan nila ng kahulugan...

Paalala: Ang pag-aaral ng kalangitan (astronomy) ay hindi masama – subalit ang pagbibigay ng mapamahihing kahulugan (astrology) patungkol sa kalangitan ay ipinagbabawal ng Biblia... Hal: Zodiac sign/Horoscope... Isa 47:13-15; Jer 10:2

Tandaan: Ang lahat ng kaganapan sa tao o sa buong sangkalawakan ay hawak ng soberanong Diyos... Col 1:16-17

#### Ang kakaiba at espesyal na pagkilos ng Diyos

- (a) Kinasangkapan ng Diyos ang bituin upang matunton ng mga Pantas si Jesus... v.2  
Punto: Kinakasangkapan ng Diyos ang anoman sa sangnilikha sa kanyang banal na layunin... Mt 2:2; Jon 4; Num 22-24

- (b) Ang mga Pantas ay pagano subalit tinawag ng Diyos bilang anunsyo sa Kanyang pagdating... Num 24:17

Puna: Ang kristyanismo ay hindi relihiyon para sa ‘mabubuting tao,’ ito ay para sa mga makasalanang tinawag upang sumunod at magtiwala sa Diyos... Jn 15:16; Act 9:1ff

### 2. Ang Dakilang si Herodes

Puna: Si Herodes (*Herod the Great*) na taga-Palestina ay ‘hari ng mga Hudyo’ (72 BCE – c. 4 BCE)

- Dahil sa pagnanasa ng mga hudyo na magkaroon sila ng sariling hari, si Herodes bilang gobernador ng Roma sa Judea ay pinagkalooban na tawaging ‘hari ng mga Hudyo’

- Pinabagsak ni Herodes ang dinastiyang Hasmonean sa isang tatlong taong digmaan sa pagitan ng 37 at 34 BCE
- Ang pangunahing gawain ni Herodes ay sundin ang Roma upang mapanatili ang kapayapaan at kaayusan sa Jerusalem.
- Si Herodes ay kinikilalang dakila at bayani ng Israel dahil sa pagsasa-ayos niyang muli ng Temple ng Jerusalem

#### Ang Kasamaan ni Herodes

Puna: Si Herodes na inaakalang kapanatagan sa mga Hudyo ay isang huwad na paniniwala

- Pinaslang niya ang 46 na miembro ng Sanhedrin; pinaslang niya ang kanyang (mga) sariling asawa, bayaw, at manugang; at lahat ng kanyang mga anak... upang ang trono ay manatili sa kanya (Antiquities, 18)
- Dahil iniisip niyang si Jesus ay maaaring maging kakumpetensya nya sa trono ay ninais niyang patayin ito sa pamamagitan ng paglililang nya sa mga Pantas...
- Nabahala si Herodes sa paghahanap ng mga pantas sa kapanganakan ng ‘*Hari ng mga Hudyo*’ – v.2, 3
- Siya’y nagnais na matuklasan ang lokasyon ng sanggol na si Jesus upang siya ay paslangin... v.8, 13

Resulta: Dahil sa pagtakas ni Jose, Maria at ni Jesus patungo sa Ehipto (dahil sa anunsyo ng anghel sa panaginip ni Jose), ipinapatay ni Herodes ang lahat ng batang lalaki sa Bethlehem.

### 3. Ang mga Punong pari (Saduceo) at mga Eskriba

Eskriba (*Scribes*): Mga konserbatibong guro ng Banal na Kasulatan

Punong pari (*Sadducees*): Mga panatiko ng Roma upang mapag-ingatan nila ang kapangyarihan at kayamanan nila.

Puna: Ang mga punong pari at Eskriba ay may kaalaman sa Kasulatan subalit hindi sumusunod sa kautusan... Mt 2:6; cf. Mic 5:2

- Hindi sila nagalak sa pagdating ng Panginoon – alam nila ang kasulatan subalit hindi sila sumama sa mga Pantas
- Nagsilbi sila sa huwad na ‘hari ng mga Hudyo’ at hindi sa tunay na Hari.

### 4. Ang Tatlong Handog

Puna: Ito ay sumisimbolo sa katauhan at gawa ni Cristo-Jesus

- (a) Ginto (*gold*): Simbolo ng pagka-Diyos ni Jesus... Ex 25:10-17 = Ang Kaban ng Tipan (*Ark of the Covenant*)

- Maaaring ginamit ni Jose at Maria sa paglalakbay sa Ehipto

- (b) Kamanyang (*frankincense*): Ito ay isang uri ng pabango na simbolo ng kabanalan at katuwiran ni Cristo-Jesus

- Ito ay pabangong kadalasan ay gamit sa paghahandog at pagsamba sa Diyos... Exodus 30:34

- Ito ay paglalarawan sa Tupa ng Diyos na magbabayad ng kasalanan ng sanlibutan

- (c) Mira (*Myrrh*): ito ay isang mapait at may mabangong aromang pampalasa

- Ito ay ginagamit sa pang-embalsamo sa mga patay... Jn 19:39

- Sinisimbolo nito ang mapait na mararanasan ni Cristo-Jesus sa Kalbaryo.

5. Mga Hamon at Katanungan

- Ang tunay na kapanatagan ay hindi nakakamit sa pagtitiwala sa mga may kapangyarihan kundi doon sa nagbigay ng lahat ng kapangyarihan.
- Ang Diyos ang may hawak ng buhay ng tao hindi dapat paniwalaan ang mga mistikal na kaisipan ng mga hula.
- Imbes na makinig sa salita ng Diyos si Herodes ay nakinig sya sa kanyang sarili... ito ay malinaw na rebelyon sa Diyos.
- Ang kaligtasan ay hindi nakakamit sa karunungan sa Salita o sa mabuting gawa... Ang pananampalataya kay Cristo lamang ang nakapagliligtas
- Kahit na malayo at mahirap ang nilakbay ng mga Pantas, may pagtitiis nilang ginawa ito upang makapaghandog at makasamba lamang sa Diyos... ikaw, Kamusta ang ginagawa mong pagsamba sa Diyos?

*Ang mga nagtitiwala sa Salita ng Diyos, naghahanap kay Cristo sa tuwina, may totoong pagsamba at pagsunod sa Kanya, sila ang mga tunay na may kaalaman*